

Aṅwà'ànè PITA yi ayòṅtè

NJI'INNŪ AṅWÀ'ANƏ YŪ

A aṅwà'ànè yū aa a le ṅwà'ànə Peta, yīi mə à swon mə yumbon, Simon Peta, à nī “ṅgàṅfà'à bo bì ṅgàṅtoò Yesu Kristo” (1.1), mbə ṅū yīi mə à le ntswe bo bì Yesu “wa atu nta'a yīi mə i laa mən̄sè” nyə nigha'à ni a ajəṅə mə à le mbəṅkə ṅkirê yī aà (1.16-18). Kaa Peta à sī swon a fe'ε i bē bīi mə a ṅwà'ànə a mbo bo aà. Tsó mə à swon mə aṅwà'ànə yulà a ni à yi ayòṅtè yīi yu ṅwà'ànè aa (3.1), mbə a bə mə à yīi mə à le mfòò ṅṅwa'anə aa, a ni “Aṅwà'ànə Peta yi ntsyambīi,” bəə bon̄ à ki ṅwà'ànə yulà aṅwà'ànə aa a mbo bìKrisèn bīi bi tswe a mbu'u Asia yī ṅkè'ètè aà.

Peta à swon mə yu ṅwà'ànə aa a ṅwa'atè innū jīi Nwī ni Mmà'àmbi nī ṅgàṅtoò Nwī leè nswonə aà (3.1,2), a bē innū jīi mə bo tē'è mē nzi (1.12). A ku'unè mə yū tsigitə waa tā bo ghεε nī mbīi ṅka ṅwa'atē, nlon mə Mmà'àmbi à dī'ì mə a mbo yu mə nòò ṅkwó yī à kù'ù mē aà (1.14).* Ma mùu ajəṅ Peta a lòò nyə mə tā bo lwi'i wa mūm ànnū nīṅkon̄ ya mə bo dī'ì a nī n̄too yī n̄sigìnə ya aà. Aṅwà'ànə yulà a tigè n̄nan̄sə wa'asə nī waa nlon̄ bidī'ì bi innū mbwe'esè bīi mə bi ka zi ṅkuu a tīti bo aà (2.1).

* : Nji'innū Aṅwà'ànə: Mbə Peta à tse ki swon aa nlonə Jon 21.18-19.

Peta à ghàa nswon ajàn yï mē ngǎṅndi'innũ mbwe'esē ma jũ i bē aà. I ka ḡe'esē kuu a titi bo i ki ndi'ì nĩ ìbaṅṅennũ ñlonḡ Nwĩ, i ki tuu nĩ Mmà'àmbi yï mē à le nyuu waa aà (2.1). Bē ma bũ à nĩ ngǎṅmbũ'u innũ jĩ bi ḡkii mbēgītē nĩ bǎburē bii bi ḡwēènē aa, ñtērē, ñluu nĩ ànnũ ajirē, ḡghirē nĩ innũ atsùurē, mma'atē mǎnji yï mē à tsinē aa nyoṅē nĩ mǎnji Balam yï mē à le si mfà'à ñlonḡ aa bē ḡkabē aà, (2.11-15), ñtswetē nĩ bē ni innũ jya jii mē nyanũ jyaa i yè'ètē aà (2.18). Bē ma bũ bĩ mō'ō bi ka yĩ ki wyē nĩ ànnũ Nwĩ i betē ni mē Yesu wa mē à le nswonḡ mē yu ka yĩ bũ bìi aa à fē le? (3.3,4).

Peta le ntigē ḡwa'asē nĩ bōo bi Kristo nswonḡ ni mē tā bo ka ntsyēsē nĩ waa nlonḡ mē bē bĩ ghà'àtē ka yĩ fǎnsē innu, i tigē ghìrē nĩ innũ jii mē i ka ghìrē tā mbi tigē mbēgītē nĩ ñtoo yĩ ñsigìnē Mmà'àmbi ya ghu (2.2).

Ma mùu ajàn, a tigē ñdi'itē nĩ bōo bi Kristo mē tā bo tsuu annũ ngǎṅndi'innũ mbwe'esē jya ki yu'utē, ñlonḡ mē Nwĩ à fà mē mitsyē a mbo bo ḡghirē bo zĩ yi, ḡkĩ mfa njoo tsim jii mē bo lòò a mùm ñtswēnti yàà a ḡka ḡghirē innũ jii mē Nwĩ a lòò aà. Tā bo yē mē bo gaansē miti myaa a ḡghirē innũ jii mē i tsinē aa (1.3-11), ḡkwe ni a mùm ìbōḡ Nwĩ, ḡku'usē nzi nĩ ànnu Mmà'àmbi (3.18) tā yi wa'à nĩ àl'ō a nsi mi'i Nwĩ wa njwĩ ñlwĩ'ĩ mbi tswē (3.14). Nwĩ à ka yĩ nanḡsē ta ḡḡi'ĩ a nũ ngǎṅghirē innũ jĩ bi bo bì ḡḡṅndi'innũ mbwe'esē, ni bē bĩtsim bii mē bi si Nwĩ bō'ō kaa ḡḡwa'à ni bǎburē kē bē bii bi tswe nĩ àdà'à a atu bo kii mbo'otē aà (2.2,3,9,10; 3.7). Nwĩ à ka yĩ ninḡ

ngi'i a nu bo ma bû aa tsi'i a ajàṅ yï mə à le niṅ
 ngi'i a nu baangel bya bo bè bîtsim bïi mə bi le
 ntii atu ghu mbo, nghirə ibi a mbïi aà (2.4,5). Tâ
 bè bya mə bi wyě nî ànnũ Kristo, a ajàṅə mə à
 le ñkà'à mə yu ka yï bũ bìi aa, tâ bo zi mə Njwî
 Mmà'àmbi ya i ka yï zï (3.10). Tâ bîKrisèn ka
 mbe, nghirə nî innũ jïi mə Mmà'àmbi a lòò aa tã
 tâ Njwî mà ya ì waṅsə nzï (3.12).

Bì yatê àṅwà'ànè yû aa laà:

1. Nji'innũ aṅwà'ànè yuà 1.1-2
2. Ànnũ yïi mə Nwî à twoṅ bîKrisèn mə baa
 nghirə aà 1.3-21
3. Nğãṅndi'innũ mbwe'esè 2.1-22
4. Ajàṅ mə Kristo à ka yï bũ zï a noò ñlwi'i mbi
 aà 3.1-18

¹ Aṅwà'ànè yû a lo aa a mbo mə Simon Peta,
 ñgàṅàfà'à bo bì ñgàṅntoò Yesu Kristo, ñghεε ni
 a mbo bè bïi mə Nwî à ki mfa abiintii yï atindũũ
 a mbo bo tsi'i tsô à yi'i a njïm annũ yï àtsině
 Nwïṅgòṅ ni Nğàṅyweènsə yï'inè Yesu Kristo aà:
² Tâ ìbòṅ Nwî ni mbɔɔnê yï ñwè tá ì tswe a mbo
 bù ñgha'atə ñghεε a ajàṅə mə ni zi annũ ñlon
 ṅgaa Nwî ni Yesu Mmà'àmbi yï'inè.

*Ajàṅə mə Nwïṅgòṅ a twoṅə nî bè ñyarə nî waa
 aà*

³ Mîdà'à mi Kristo mïi Nwî à fa ghu mbo aa mi
 fà mē yi'inè ni ñgòṅ ñjoò tsim jïi mə ñtswëntî
 yï'inè ì lòò aa, bo bì a ñka mbɔ'ɔ Nwïṅgòṅ, ñtsya
 a njïm ajàṅə mə bï'inè zi annũ mbi'i ñgaa yï, yu
 wa yïi mə à le ntwoṅə yi'inè a mum ñgha'a yu
 bo bì a mûm ìbòṅê yi aà. ⁴ Ma mùu mânjï, a fâ

ɲkà'â yĩ yĩ ɲwè bo yĩ àtìndùù ya, mɛ mbɛ bĩ'inè tsyâ ghu ɲkhɛ ɲjoo mbi jĩi bɛ yè'ètɛ i tâ nì ɲgĩ'i a nu bo aa, mbaɲnɛ ntigɛ ntswe nĩ àbwarɛ a mum màrè Nwĩ.

⁵ Nloɲ ma yũ ànnù, nì ka ɲgaansɛ mitĩ muu, a ɲkù'usɛ ànnù ɲghìrê ìnnù jĩ sigìnè a atù àbĩintii, a atu ɲghìrê ìnnù jĩ sigìnè, tâ nì ku'usɛ ànnù nzi Nwĩ, ⁶ a atù ànnù nzi Nwĩ, nì ku'usɛ ànnù ntswâ ìbiiinu, a atu ànnù ntswâ ìbiiinu, nì ku'usɛ atàɲəntii, a atu àtəɲəntii, nì ku'usɛ ànnù ɲka mbɔ'ɔ Nwĩ, ⁷ a atu ànnù a ɲka mbɔ'ɔ Nwĩ, nì ku'usɛ ànnù ɲka ɲkòɲ bilĩm buu, a atu ànnù ɲka ɲkòɲ bilĩm buu, nì ku'usɛ akòɲnè. ⁸ Nloɲ mɛ mbɛ nì ka ɲghirɛ ma jũ ìnnù ma mùu ajàɲ ɲghɛ nĩ mbĩ bɛ boɲ nì ka kĩ fà'a sigìnè i kii koonɛ nì mĩntà a múm ànnù a ajàɲ mɛ nì zi Yesu Kristo Mmà'àmbi yĩ'inè aà. ⁹ Nloɲ mɛ ɲù yii mɛ ma jũ ìnnù i boɲ ghu mbo aa, à nĩ m̀fè'ènnè, kaa a kĩ'ì nì mbĩ yé, boɲ à lɛè ɲkĩ nli'inè mɛ bi lɛ mbaa nsĩ'ĩ yi a nĩ ìnnù jĩ bĩ jĩ jĩ lwènè.

¹⁰ Tsɔ mɛ a bɛ laa, bilĩm bâ, tâ nì ka ɲgaansɛ mitĩ muu, a naɲsɛ mbii ajàɲ mɛ Nwĩngòɲ à twòɲ ghuu ɲkĩ ntso'ɔ ghuu aa, ìloɲ mɛ nì bɛ kĩ ghìrè ma mùu ajàɲ boɲ kaa mbɛ nì wa'à wò. ¹¹ Ma mùu ajàɲ boɲ bi ka naɲsɛ ɲɲa'a m̀n̄jĩ yii à tsyámbo aa a mbo bù a ɲkuu a múm ànnù nifɔ̄ tĩ m̄ Mmà'àmbi nì ɲgàɲnyweensè yi'inè Yesu Kristo.

¹² Tsɔ mɛ a bɛ laa, mɛ ka ghèè nĩ mbĩ a ɲka ɲwa'atɛ bù nĩ ìnnù ma jũ, ka mɛ nì tɛ'ɛ nzi, ɲkĩ n̄tinsɛ a múm ànnù n̄ɲkoɲ yii mɛ nì tswe nì yu aà. ¹³ Mè wà'àtɛ mɛ a ku'unɛ mɛ, ajàɲ yii mɛ

mè bùrə ntswe fàa mum ghulà ìbìinu aa, tâ mè ka ntsigìtə ghuu, ηwa'atə nî ma jû ìnnũ a mbo bù. ¹⁴ Tsǒ mə mè zi a laa mə nòò yǐi mə ka mà'atə yulà ñjyǎnu aa à tǐgə a abo aa, a ajàŋə mə Mmà'àmbí yǐ'inə Yesu Kristo à dǐ'ì mə a mbo mè aà. ¹⁵ Mə kii nloɔ a nyə mə, nòò yǐi mə mè mà'atə mə ghuu aa, tâ nǐ zi ajàŋ mə mbə nǐ bú ñka ηwa'atə ma jû ìnnũ a ηgòŋ bìnòò bì tsimè.

Ajàŋ mə bǐ'ì le mbə ayəfə nǐ ñǐgha'a nǐ Kristo aà

¹⁶ Kaa bǐ'ì le ηki'ì lògè aa ñjyàlà'à jǐi mə a wa'atə mìtsyè mi bə aa a ntɔ'ɔtə mǐdà'à mi Mmà'àmbí yǐ'inə Yesu Kristo bo bì ajàŋ mə à le nzi aà. Bǐ'ì bumbɔŋ, bǐ'ì le nyə ñǐgha'á nǐ nǐ mǐdà'à mi. ¹⁷ Nloŋ mə nòò wa yǐi à le ηkwere ñǐgha'a bo bì àghu'usə a mbo Nwǐŋgòŋ Tà aa, ñjǐ ya i kǐ ñzi ghu mbo, a nǐ ñǐgha'a nǐ nifò ñswonə nǐ mə, “Aá Mú ghà ghuà, yǐi mə mè kòŋə yǐ, ηki nanşə ndoritə nloŋ ηgaa yǐ.” ¹⁸ Bǐ'ì bimbɔŋ le nyu'u nǐ ma yú a ajàŋ mə ì le ηghàà a aburə aà. Nloŋ mə bǐ'ibo le ntswe wa atu nta'a mə i laa màŋsə aà. ¹⁹ Ma mùu ajàŋ bǐ'ì nanşə mbù nbeentə ntoo ya yǐi mə ñgǎŋntoo Nwǐ i le nswonə aà. A ka bə annù yǐ sigìnə a mbo bù a nte'ε atú yuu a nǐ ma yú ànnù, tsi'ǐ tsǒ ñkà'à yǐi mə i ta a nǐ àdìgè yǐ fǐi aa, i ywe'e a noò yǐi mə abèè a ka fu'u, ta tâ fǐnjòŋ fǐ atùtugə tâ fǐ fe'ε a mum mǐntii bù. ²⁰ A nǐ annũ ntsyà mbǐi, a ku'unə tâ nǐ zi tâ à laa mə, kaa annù yǐi mə ñgǎŋntoo Nwǐ i swonə a mùm àŋwà'ànə Nwǐ aa, kaa à sǐ aa annũ amòòntə ηú bə. ²¹ Nloŋ mə kaa ànnũ tsu

yii mə ɲǎŋntoo Nwĩ i swon ɔa, lɛɛ ɲki'i ɔa a nĩ
 ìnnù jii mə bɛ m̀òòntè ɲswonɔ l̀ò. Ɔ b̀aɲnè ɲl̀o
 ɔa a mbo bè bii mə Azwĩ Nwĩ a tintə a waa, bo
 kwɛrə a mbo Nwĩ ɲswonɔ.

2

Bìdì'ì bi annù bi mbwe'esə

¹ Tsɔ mə ɲǎŋntoo Nwĩ m̀bwe'esə i lɛ mfè'ɛ
 a titii bè bya ɔa, tsi'ĩ maa àjàŋ bìdì'ì bi annù
 mbwe'esə ka kii fè'è a titii bù. Bo ka kii ɲɲe'esə
 zì nĩ ìnnù jii i ka ta ɲgi'i a nu bù, i ki d̀ì'ì nĩ
 ibanɲennù ɲl̀on Nwĩ i kii tuu a Ta wa yii mə
 à lɛ nyuu waa. Ajàn yii mə bo ghìrè maa ajàn
 ɔa, tá à ghìrə mə tá bi wɔŋsə nta ɲgi'i a nu bo.
² Bè bĩ ghà'atè ka yĩ ỳon bĩ m̀anji bi ibuurə ìnnù
 jyaa jĩ swèrè ɲswèrə jya, tá bì tigə mbəgitə ni
 m̀anji ànnù n̄ɲkon wá. ³ Ajàn mə bo k̄ɔŋ ɲghotè
 ɲjoo ɔa, bìdì'ì binnù bi mbwe'esə ma bú ka yĩ
 fù'ù waa a nu bù, ajàn yii mə bi ka yĩ ki swonɔ
 mi ghàà mi mbwe'esə a mbo bù. Lâ bi t̄an̄tè m̄e
 a ɲù ɲsa'a waa ɲl̀oginə a ɲgu'u, kaa ɲù yii mə à
 ka ta ɲgi'i a nu bo ɔa, kaa a wa'à kii m̀bwii.

⁴ Kaa Nwĩ à lɛ ɲki'i baangel bii bi lɛ mf̀ansənnù
 ɔa liɲè m̀banɲə ntii waa mma'a a múm àtsùmə
 m̀ɔ'ɔ, ɲkoo waa a nĩ àtsan a múm m̀fi ìdìgè bo
 yu'utè nĩ ɲjwĩ ɲtsò'òtə m̀isa'a yá. ⁵ Kaa Nwĩ à
 lɛ ɲki'i atu mbi yĩ m̀bii liɲè, à lɛ m̀banɲè ɲghìrə
 ɲkì miyaa i bwesə m̀bì bì t̄i b̀ò'ò Nwĩ ya, a b̀aɲnè
 ɲyweensə ɔa tsi'ĩ a Noa yii mə à lɛ si swonɔ annù
 yii mə a tsinə, bo bì bè bĩ m̀ɔ'ɔ bi s̀ambaà. ⁶ Nwĩ
 à lɛ m̀bən ɲjò'ò ala'à Sodom bo Gomora a nĩ àbù
 ajàn yii mə à lɛ niɲ isa'a a nu bo mburə n̄sigə

waa mbwēsə aa mə tâ bo bə alənsə a mbo bitì bo'ò Nwí. ⁷ Lâ à le yweensə a Lot yíi mə ntíi yi i le si bi'i nlon ibuurənnú ngǎṅabi'i ntíi, bə bi tì bo'ò nōṅsə bya ⁸ (nlon mə innú jii mə nù ma ghú mə innú ji i le ntsinə aa à le si yu'u ajàn à le ntswe a titii bo aa, i le si ghìrə mə tâ ntíi yi yíi i le ntsinə aa ka ntšə'ə a atú ñjwi a atú ñjwi nlon mighìrənè mi innú myaa mi tìbo'ò nōṅsə.) ⁹ Ajàn muu a di'i ni mə Mmà'àmbi à zì ajàn yíi mə mbə yu yweensə bə bii mə bi bo'ò Nwí a nî ìkwà'ànè jii i tsi'i waa laa, ŋki nzi ajàn mə mbə yu niñ njò a nu bə bii mə innú jyaa i sì tsinè aa, nləə waa ghu mum i yí nywe'e wa njwí ntsò'òtə mīsa'à; ¹⁰ ñnanşə niñ aa a nu bə bya mə bi yòṅə innú nsin jii mə nnyǎnú yaa i yè'ètə aa, mbañnə ntsa'a nî bə bii tswé nî àdà'à a atu bo aà.

Bìdì'ibinnú bi mbwe'esə ma bú bo nanşə ñkwεε ni mīntii myaa kaa wa'à bo'òtə ni a ŋka mbəgìtə nî baburə bya mə ŋwèenə aà. ¹¹ Tsi'i baangel bii mə bo tii, ŋki ntswe ni mādà'à ntsya ngǎṅdì'innú mbwe'esə ma jú aa kaa mbə bi ki'i innú jii bi a mbəgìtə bo ghu a nsí Mmà'àmbi swonə. ¹² Lâ bə ma bú mə bi bə tsi'i tsó nàà mītsə'ə mə bi jwe mə mbə bi ghèsə ñko nzwitə aa, ŋghirə nî innú ti mītsyè aa, bo burə mma'a ni mīghàa mi mbəgìtə a nî innú jii mə kaa itú jyaa sì ghu laà. Baa ghèsə tswa waa, i kii tsə ŋgi'i a nu bo. ¹³ Bi ka yí tu waa a nî ŋgi'i tsi'i tsó ajàn mə bo kii ŋghirə bə bí mɔ'ɔ bi yə nì ŋgi'i aà. Bo ji mbí yàà a si'inə, ŋghirə bə innú jii mə i so'otə a atu bo. Bo zì mboonsə bubo a noò yíi mə ni ji a mûm ñghotə aa, mbə ilo'ɔ jii bi, ñdirisə nî atú

bê. ¹⁴ Bo kii ηκωη aa tsi'i ànnũ nte'è mi'i myaa a nu bàngyè bi ajirè, kaa mbə bo ki'i innũ jĩ bi yurè. Bo tswètè ni bə bii mə bi burə ti kwi aa, ηghirə ni mə tâ bo wo. Bo mirisè mîntiî myaa a ηka ηkotə njod. Ndòò Nwĩ ì tswe a atu bo. ¹⁵ Bo mà'atè mē mânjĩ yĩ mə à tsinə aa, ntigə mbwε mânjĩ wàà, bo yòn mē mânjĩ yĩ mə Balam mu Boer à le nyònə, yu wa yĩ mə à le ηkõη mə yu tswe nî àbĩ a mûm innũ jĩ bi aà. ¹⁶ Bi le ηghàantè yi nlon ibĩ yi. Jákásĩ yĩ à le ηghàà nî ñjĩ ñù, ñkin annũ yĩ mə ηgànntoò Nwĩ wa yĩ à le ηghèə yu burə baanə tsi'i bàànə ghìrè aà. ¹⁷ Bè ma bú bi bə aa tsi'i tsó binañəbirè bii mə bi yòòñkè mē, ñki mbə tsi'i tsó mbà'à yĩ mə áfisè a tii ηghεε ni yu. Nwĩ à lèè mə adigə a mbo bo wa a mûm átaa yĩ fii ya mə a tso ntso aà. ¹⁸ Bo ghàà mighàà mi kî ñtèrè mi ajñtè, ñlogə nî innũ atsùùrè jii mə nnyánú jyaa ì yə'ətè aa, ntswetə nî bê ghu ηko, bə bii mə bi ghensə ñlògìnə ηkhə mfè'ε a titiî bə bii mə bi tswe a mûm ifansənnũ aa. ¹⁹ Bo ka'à ni mə bo ka kètè mîñkìrè a nu bo, lâ bo bîmbəñ bi burè ka kwerə waa ni mîñkìrè mi aghubə; nlon mə ànnũ yĩ mə kaa mbə ñù a wa'a ibiînú yi ghu mbo kwerə aa, a tigə ηghirə yi aa a nî àbù'ú yi. ²⁰ Nlon mə àjàñ yĩ mə bo le ηkhə annũ nsin mbi jù, nyon a njîm ajàn mə bo le nzi Mmà'à mbî yi'inè mə ni Ngányweensê yi'inè Yesu Kristo aa, mbə bo bú ñghεε nniñ ibiînú waa ghu ηkwerə, ì kii ñtigə ntiî ntsyà nî waa aa, ma la a bə mə àtiî nlwĩ'î njîm ma yû a bù mē mbi'i ntsya yi ntsyambii ya a mbo bo. ²¹ Nlon mə a le mbaa mbòñtè a mbo bo mə boñ kaa bo le ηki'ì a mânjĩ

yî ntsînè wa zî. Ntsyatè ajàṅə mə mbə bo zi ṅki mbu mbəṅkə waa mma'atə ndi'i jî làà jya mə bi le mfa a mbo bo aà. ²² A fe'ε a nu bo laà aa nlon aa ajàṅ mə nìghàà nî nānaa ni annù nṅkon nya ni swon mə, “Mbu ya ì bù mē ṅghεε nji afikè yi ya fu.”*

3

Annù ajàṅ yîi mə Yesu à ka yî bǔ bǐi aà

¹ Bìlîm bâ bii mə mè kòṅə aa, àà àṅwà'ànè yîi i ywe'e ji baa a yuà mə mə ṅwà'ànə a mbo bù. A múm ṅṅwà'ànè ma jû mə lòò aa ṅwà'àtə a mbo bù, i kii tsìgìtè mîntiì muu bo bi ìmòònté juu mə nì ka ṅwa'atə nî ìnnù jii i ku'unê aà.

² Mè ṅwà'ànə aa mə tâ nì wa'atə mìghàà mya mə ṅgǎṅntoo Nwî jii i laa mǎṅsè ji annù nṅkon jii ṅgu'u le nswonə aa, bo bi ndi'i Mmà'àmbí Ngǎṅywèensé yì'inè yîi mə ṅgǎṅntoò ji bi le mfa a mbo bù aà.

³ Annù yi ntsyàmbǐi yîi mə mə lòò mə nì zi aa a bə mə, àa yì bə wa ṅgù'ù mbi yì ìlwi'ì nṅjìmè aa tâ bè bì mǎ'ò fe'ε ṅka ṅwye nî ànnù Nwî, ṅghirə bə ìnnù jii nǎyǎnù yàà i yè'ètè aa ⁴ mbetə ni mə, “Yesu wa mə à le ṅkà'a mə yu ka yì bǔ bǐi aa à fè le? Mə nloginə a nsi bítaa bǐ'i bǐi bi leè ṅkwokə aa, nloginə a noò yîi bi le nnaṅsə mbi yù aa, kaa ànnù tsu kaa a bǔrə tì kwensè aà!”

⁵ Bo tuù ṅwà'àtə mə a ṅgu'u, Nwî a le ṅghàa aa ghàà àbǔrə a fe'è, ṅki mbu ṅghàà nṅsye i fè'è a

* **2:22** Prov. 26.11 “Kwinyàm wa mə bi si'i aa, à bù mē ṅghεε mbìṅkə yi wa a múm àtsitsa'a.”

mûm ñkî, a lògè aa ñkî nanşə nsye ghu; ⁶ àâ ñkî ma ghú mə i ɛ mbu ñkɔ'ɔ nɔwensə nsye yî i ɛ ntswe maa ñgù'ù aa mbwesə. ⁷ A ki bə aa tsi'î ñìghàà ni ma nú mə ni ləə aburə bô ñsye yî mə tswe tsîtsòñə aa mə tâ mɔ'ɔ yi ntòò, ñləə nyu'utə aà ñjwî ntsò'òtə mîsa'a, ñjwi ya mə bi ka yî tsə ñgi'î a nú ñgàñtibɔ'ò Nwî.

⁸ Lá bìlîm bá, nì tsee mâ ànnù ghuà lõ lî'inè, mə a mbo Nwî, ñjwi yî m̀fùùrè i bə aa tsi'î tsó ìlòò ntsù'ù, ìlòò ntsù'ù i kî mbə aa tsi'î tso ñjwi yî m̀fùùrə ⁹ Kaa à sî bə aa mə Mmà'àmbi a wè'ènə a ñlèə ñkà'á yî, tsi'î tsó bə bí mɔ'ɔ bi m̀òntə aa. A bəñnè ñtswa aa ntîi yi ñlɔñ mə kaa à si lòò mə ñù yî m̀fùùrè à yi mbwe, a lòò aa bə mə tâ bə bìtsim bəñkə mîntîi myaa, ma'àtə ibî waa.

¹⁰ Lá ñjwî m̀mà'àmbi ya i ka yî zî aa tsó ñyèrè. A ka yî bə maa ñjwi aa, tâ àbùrè à ju'u ni ñjî yî ntîi ñghɛɛ mbwe, tâ ñjoo jîi i tswe a aburə aa tsi'î tsó m̀ñjòñ ni sàñ ni ñnòò, tâ i ki ñkhi ntso, tâ ñsye nî ñjòò tsim jîi mə i tswe ghu aa tâ mɔ'ɔ tɔɔ tâ i khi tsimè.

¹¹ Tsó mə ñjoo tsim i ka yî bwɛ ma mùu ajàñ aa, bí'inè tigə ntswe nì mbə aa ajàñə mbuu bə ghuu aa ɛ? A bɔñ mə tâ m̀ìghìrìnə mî ìnnù muu laa, tâ nì ka m̀bɔ'ɔ nî Nwî, ¹² tá tigə be i kii ghìrè ni mə tâ ñjwî Nwî ya tâ i wañsə nzî, là'a ñjwi ya mə àbùrè a ka yî khi i tso, tâ ñjòò tsim jîi i tswe a aburə aa tâ mɔ'ɔ i tɔɔ tâ i sañnə. ¹³ Lá a ajàñə mə Nwî à kà'a aa, bí'inə yu'utə nî àbùrè yî fii bo bì ñsye yî m̀fii yî mə i ka yî luu nî ìnnu jîi i tsinə aà.

14 Maa ajàṅ, a bilîm ba bîi mē mē kòṅə aa, tsǒ mē ni bē innù ma jû aa, nì ka ṅgaansə mitîi muu mē tâ nì yì ntsee nî àbà kè àlò'ò a nsi Nwî tsewe, m̃baṅṅə yî ñtsewe bə nì m̃boonə bu bo. 15 Nì yè mē ṅji'î ànnù yîi mē Mmà'àmbi à si wàṅsè nzi aa, i bə aa abwarə mē a fa a mbo bù mē nì yî nyweenə. Aá àjàṅ yîi mē mumaà yî'inè Paul, yîi bî'inè kòṅə aa, à lɛ ṅki ṅwa'anə, a mbo bù, a nyonə a ṅjîm m̃tsyè m̃ii mē Nwî à lɛ mfa ghu mbo aà. 16 A ṅwa'ànə ñlon ma jû ñnnù, a nî ṅṅwà'ànə ji tsim. ñnnù jî m̃'ò i tswê ma mùu a m̃m̃ ṅṅwà'ànə, jîi mē i tsyanə a nzi tâ ì laa, bə bî m̃'ò bîi mē kaa bi sî nì m̃tsyè tswê kaa mburə ti ṅki ṅkwe aa, bi logè ñtwɛɛ a nî waa m̃ânjî, tsi'î ajàṅə mē bo kii ntweɛ nî ìdìgə ṅṅwà'ànə Nwî jî m̃'ò aà. ṅghirə ma mùu ajàṅ, ñtsə aa ṅgi'î a nu bo bimbɔṅə.

17 Lâ a mbo bù boɔ bimaà, nì fòò mē ñszi innù ma jû. Mē tigə nswon a mbo bù aa mē tâ nì tseyesə ghuu, tâ bə ma bù mē bi tii atu a mbo Nwî aa, tâ bî tsee ghuu gaansə tâ nì yon ifansənnù bə bîi mē bi si ñṅsè ləə aa, mbwɛ m̃ânjî wa yîi nì təə ghu àkòrə yuu a tinsə aà. 18 Nì baṅṅə ṅka ṅkwe a m̃m̃ ìbòṅ Nwî bo bî ànnù ajàṅ mē ni kù'ùsè ñzi nì Mmà'àmbi yîi mē à nì ṅgàṅyweènsə yi'inè Yesu Kristo aà. Tâ ñìgha'a tâ nì tsewe ghu mbo, ñloginə tsîtsòṅ ṅghɛɛ nywe'e a nlwî'î m̃bî. Amen.

Bafut
Bafut: N̄toò Kristo yî N̄sigìnè: mìkàà yî mfiì New
Testament

copyright © 1999 Wycliffe Bible Translators, Inc.

Language: Bafut

Contributor: Wycliffe Bible Translators, Inc.

All rights reserved.

2022-10-27

PDF generated using Haiola and XeLaTeX on 21 Feb 2024 from source
files dated 27 Oct 2022

5d039b4a-c9a1-50b1-8a61-176cf48aa271